



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Haymo-//nis Episcopi Hal-//berstattensis, De Varietate//
librorum, siue de Amore cœlestis// patriæ libri. III. ...**

Haimo <Halberstadensis>

Coloniae, 1531

VD16 H 231

VI Qualit[er] verba beati Pauli apostoli de charitate intelligenda sint.

urn:nbn:de:hbz:466:1-29814

HAY. DE VARIET. LIB.

Si cupiunt laudari quod fieri, nec de sanctitate operis,
sed de sermonis elucubrati venustate solliciti sunt.
Merito hi tales æramento sonanti, aut tinnienti cym-
balo cōparantur, qui in modum tinnientis æramen-
ti vel cymbali præclara quæque magis appetunt so-
r. Cor. 13, nare quod facere. Et si habuero (inquit Apostolus) pro-
phetiam & nouerim omnia mysteria & omnē scien-
tiam. Et si habuero omnem fidem ita ut mōtes trās-
feram, charitatem autē non habuero, nihil sum. Non
ad hoc ista dicit, quasi aliqua bona sine charitate ha-
bere aliqui possint, sed quia nihil profint habētibus
ea, si à charitate defecerint. Et si distribuero in cibos
pauperū omnes facultates meas, & si tradidero cor-
pus meum ita ut ardeam, charitatē autē non habue-
ro, nihil mihi prodest. Charitas ergo habēda est ipsa
& sectāda, sine qua nec eleemosynæ, nec occisio cor-
poris, nec illa omnia superius dicta, vel alia quælibet
bona perducunt aliquos ad salutē. Quia quælibet
bona actio vel passio, nisi ex fide, quod per dilectionē
operatur, extiterint, nobis prodesse non poterunt.
Quapropter nihil eis peccati damnabilis remanere
poterit, nec deerit aliquid boni, quibus charitas, oīs
inquinamenti mundatio, & bonorum omniū ma-
ter, adfuerit.

Qualiter verba beati Pauli apostoli de
charitate intelligenda sint. Cap. VI.

Grego. **C**haritas patiens est, benigna est. Non æmula-
r. Co. 13, tur, non inflatur, non agit perperam, non est
ambitiosa, non querit quæ sua sunt, non irrita-

LIBER SECUNDVS.

tatur, nō cogitat malum, non gaudet super iniquitate, congaudet autem veritati. Patiens quippe est charitas: quia illata mala equanimiter tolerat. Benigna vero est, quia pro malis bona largiter ministrat. Nō emulatur: quia per hoc, quod in presenti mundo nil appetit, inuidere terrenis successibus nescit. Non inflatur: quia cum præmium internæ retributionis anxie desiderat, de bonis se exterioribus non exaltat. Non agit perperam: quia quo se in solū dei ac proximi amore dilatat, quicquid à rectitudine discrepat ignorat. Quid si autē Perperam agere, S. Basilius int̄ cætera ita definiens ait: quicquid non propter v̄sus necessarios, sed vel ornatus causa, vel decoris alicui⁹ fit, hoc est p̄peram agere. Non est ambitiosa charitas: quia quo ardenter intus ad sua satagit, foras nul latenus aliena cōcupiscit. Non quærit quæ sua sunt: quia cuncta quæ hic transitoria possidet, vel vt aliena negligit, cum nihil sibi esse propriū, nisi quod secum permaneat agnoscit. Non irritatur: quia & iniurijs lacerita ad nullos vltionis suę motus excitat, dum magnis laboribus maiora post præmia expectat. Non cogitat malum: quia in amore munditie mentem solidans, dum omne odium raditus eruit, versare in animo quod inquinat nescit. Non gaudet super iniquitate: quia quo sola dilectione erga omnes inhiat, nec de perditioē aduersantiū exultat. Congaudet autē veritati: quia vt cæteros diligens, per hoc, quod rectum in alijs conspicit, quasi de auctorēto proprij prouectus hilarescit. Omnia suffert: Prosp. quia omes inquietos vel inquietudines fundata ani 1. Cor. 13.

HAY. DE VARIET. LIB

mi tranquillitate suffert. Omnia credit: q̄a post hanc vitam, pœnas diuinitus cōminatas credit non metu endo. Omnia sperat: quia præmia præmissa sperat gaudendo. Omnia sustinet: quia reuelationē filiorū dei desiderat fortiter sustinendo. Charitas nunq̄ ex-Pelag. cedit: non excidit dicit, id est, clapsa non est, vel non excessit. Ipsa enim sola permanet in futurū, vel recte, quia vera est, non mutabitur.

Qualiter charitas erga deū, & qualiter erga proximū sit exhibenda. Cap. VII.

ERgo si charitatem deo exhibeamus & proximo de corde puro & conscientia bona & fide non ficta, facile peccato resistimus, bonis om̄ibus abundamus, seculi blandimenta contemnimus, & omnia quae difficultia sunt humanæ fragilitati vel aspera etiam, cum dilectione perficimus, si tamē deum charitate quae nobis ab illo, ex toto corde extorta anima, & totis viribus diligamus. Ex ea enim parte quis peccat, ex qua minus diligit deum. Quem si ex toto corde diligamus, nihil erit in nobis unde peccati desiderijs seruiamus. Et quid est diligere deum nisi illo occupari animo, cōcipere fruendæ visionis eius effectui peccati odium, mundi fastidium, diligere etiam proximū quem in se sensuit diligendum. Illi vero ex toto & plus q̄ se diligunt deū, qui pro eius amore, suæ ad tempus saluti non parcunt, seipso tribulationi ac periculis tradunt. Nudari facultatibus proprijs, patriæ suæ extorres fieri. Parentibus & uxori- bus & filijs renunciare parati sunt, & vt in totum di-